

古

今

鹺

略

古今鹽畧馬四

會計

齊太公以齊地負海為鹵少五穀而人民寡乃勸以通魚鹽之用而人物輻湊此鹽筴之始也

桓公曰吾何以為國管子對曰唯官山海為可耳公曰何為官山海對曰海主之國謹正鹽筴公曰何謂正鹽筴對曰十口之家十人食鹽百口之家百人食鹽終月大男食鹽五升少半大女食鹽三升少半吾子食鹽二升少半此其大曆也齊有渠展之鹽請君代蒞薪煮水為鹽正而積之公曰諾十月始正至於

正月成鹽三萬六千鍾召管子而問曰安用此鹽而
可對曰孟春既至農事且起北海之衆無得聚庸而
煮鹽若此則鹽必坐長而十倍公曰善行事奈何對
曰請以令糴之梁趙宋衛濮陽彼盡饋食之國也無
鹽則腫守圉之國用鹽獨甚公曰諾乃以令糴之得
成金萬一千餘觔

晏嬰曰魚鹽蜃蛤弗加於海之鹽蜃祈望守之
秦分天下為四十郡而山東為郡者七賦鹽利二十
倍於古

平準書云建元間以東郭咸陽孔僅領鹽鉄事上言

樞密副使

彭思永廬陵人兼河北都轉運使時將愾兵驕思永以軍法從事民賴其利後官至戶部侍郎

蔣之奇為河北都轉運使遼使耶律迪道死所過郡守皆再拜致祭之奇曰天子方伯奈何為之屈膝耶莫而不拜後累官知樞密院事

熙寧元年以薛向為江浙荆淮發運使初仁宗時范祥為制置解鹽使以鹽募商旅輸芻粟于陝西賓邊公私便之祥卒以向繼領向請兼以鹽易馬王安石時領群牧主其說請久任向至治平末向坐與种諤

開邊始罷去會淮南轉運使張靖言向壞鹽法且有
所欺隱帝召向與靖對錢公輔范純仁皆言向罪安
石排群議抵靖於法以向代之

嘉祐中即發運司專領運鹽事又設提舉官

建提點刑獄按察使以譏察漕司

王賓為河北水陸都轉運鹽使見州兵屯無壁壘分
寓邸肆賓選隙地築舍二百餘以處之太宗優詔褒
美

王文正當國薛簡肅為江淮發運入辭公無他語但
云東南民力竭矣張士遜為江西轉運入辭公但云

朝廷權利至矣。而公之惠民如此。吳處厚為京東運判。陞副使。時神宗方興鹽鐵。居厚精心計。善鈎稽。收羨息錢數百萬。哲宗以鮮于侁為東京轉運使。司馬光曰。以侁之賢。不宜使居外。齊魯之臣彫弊已甚。須侁為福星以救之耳。

劉忠肅責監衛州鹽倉人。皆食善鹽。且儲其羨。以為償弊。減什七八。父老目為學士鹽。

政和初。置茶鹽提舉。紹興五年。詔諸路提舉常平。併入茶鹽司。仍以提舉常平茶鹽等公事為名。

綦母慮字深之高要人紹興五年領鄉薦歷官淮南
江浙荆湖路發運司計置官宣和五年轉廣東西路
提舉茶鹽事再除轉運判官先是朝廷以廣惠潮恩
四郡鹽課屬之轉運副使鹽戶失業逃亡虧損元豐
中舊額十一二慮被命奏鹽戶典賣鹽田於稅戶得
享厚利而鹽田歲額有虧乞令稅戶買町戶鹽田依
原灶眼送納朝廷是其議命下行之町戶不為豪民
侵併實自慮始

金章宗時張萬公為山東路安撫使山東連歲旱蝗
所害萊莒淮五州尤甚萬公慮民饑盜起乃上言乞

將鹽引赴山東行部於五州給賣納穀易換五州馬賴
元以鮮于侁為都轉運鹽使而都轉運鹽名見此
高源為河間都轉運副使撫治有條灶戶逃者皆復
業常賦外羨餘幾十萬緡

袁州總管張宗顏蒞政廣明擢九江茶鹽使

至元十四年始置司於揚州三十年悉罷所轄司以
其屬置場官大德四年復置批驗所于真州采石等
處

仁宗時武秀以清譽擢為蒙陰令與李校勸農桑民
受戴如父母遷山東、路都轉運鹽使司去後民為

立石

至元後元年周信臣繇中書叅議陞山東、路都轉
運鹽使清謹自勵精於簿書經畫綜理簡便節約百
度秩然釅政一新買田清河南孺為二垞購地築山
為義塚後徵為戶部尚書

至正二十六年以海北廣東道廉訪使萬公義遷轉
運使各盡忠誠恢辦大課清慎有聞時論韙之
皇明監官設轉運司者六其該司所轄鹽場兩淮三
十處兩浙三十五處長蘆二十四處山東一十九處
福建七處河東解鹽東西中三鹽分司其批驗所兩

淮二兩浙四長蘆二山東一設鹽課提舉司者七陝
西靈州鹽井三處廣東鹽場一十四處海北鹽場一
十五處四州鹽井六十四處計上中下三等雲南四
司鹽井共一十五處皆洪武初建置

高皇帝御製文列轉運司於藩臬等暨諸分司各有
專印方廣與府印埒運使秩三品同知四品副五品
判經歷七品知事八品豈非以重司計故耶

大明會典凡鹽運司官考滿洪武二十六年運司首
領官屬官從本衙門正官考覈運司五品以上正佐
官別無考覈衙門從都察院考覈吏部覆考永樂八

年奏准運司判官依本司堂上官考覈近例兩淮長蘆經具繇赴部咨送都察院考覈吏部覆考其小東兩浙福建河東陝西運司俱由布按二司考覈申部覆考不送都察院仍各行戶部稽查錢糧明白至日簇落

轉運在唐宋利權無所不握并兼刑名故聲勢甚重國朝一一分析銀鮮藩司米歸漕運而運使獨立監政

監運司銅印方二寸六分厚五分五厘其經歷司銅印方二寸一分厚三分

會典鹽運經歷司有典吏今并印歸之司堂非制矣
鹽運司運使同知初見御史按察司官上手立對拜
其副使判官初見御史按察司官中立答拜首領官
初見行拜禮御史按察司官起身拱手場官初見行
拜禮御按察使司官坐受拱手

國朝名司置官一準元制兩淮分司三鹽場三十批
驗鹽引所二監詰私鹽巡檢司二先治泰州即元舊
司洪武三年同知潘得移建于府城大東門外正統
六年運司嚴真成化間運使謝懔延詳歐賢正德元
年運使楊奇等相繼修理弘治間運使畢亨唐錦舟

前後置司外周垣房百餘間召人住居以備防衛嘉
靖間運使李銳復修於司前三路建三門上有樓
東曰賓陽南曰迎薰北曰拱極因知劉璣復修

長蘆運司志洪武二年置北平河間抑轉運鹽使司
後改河間長蘆都轉運鹽使司設滄州青州分司二
統鹽課司二十四批驗所二

地志 國朝設嘉興松江二轉運分司提調十場之
鹽課海鹽領其五場內橫浦居于華亭之界西路居
于海寧之界居本府之境者今惟蘆歷海沙鮑郎三
場而已

鄭端簡公今言以建文時改廣東鹽課司為廣東都轉運鹽使司

魏觀蒲圻人以徵聘起與劉基來景濂同謁

高皇帝與語大奇之吳元年改兩淮鹽運使入為起居注

平涼太守何士英於永樂間以卓異第一陞兩淮運使巡鹽始於永樂十三年差監察御史其後間差侍郎及都御史繼乃專差御史而鹽法則隸於按察分司焉

宣德十年選差御史一員於直隸揚州府通州狼山

鎮提督軍衛巡司官旗手兵人等巡捕禁單松鹽
巡鹽監察御史惟揚志以監察御史巡鹽自宣德始
然間數歲一遣旋復取回其後復以巡河御史兼理
鹽法而巡鹽之差遂省至正統三年始歲差御史巡
視淮浙長蘆諸司而河渠由濟寧迤北抵張家灣長
蘆御史兼理之由濟寧迤南抵南京兩淮御史兼理
之遂為定制
清理鹽法都御史北統初嘗以戶部侍郎同御史巡
視兩淮旋復取回自後差都御史或以侍郎兼都御
史理之至嘉靖凡五六遣焉其後戶科請罷清理極

論不便三事於是都御史罷不復遣

按御史職掌察兩淮鹽策之政令監臨司使平惠商
灶正統間始兼理河道自醴法水利外凡吏弊宮邪
士風民隱舉得以諏度而糾舉興革爲御史任益重
矣都轉運使之職率察屬辦職務會計盈縮公聽訟
獄凡事關鹽策議于同知叅于副使以入白于御史
而後行判官之職督諸場程課理積逋歲季巡歷次
計其課之多寡官之勤惰而懲勸之經歷主署文書
大使副使職催辦批驗引所辦引符防矯偽巡檢司
序商舶詰私夾上執風紀下供職事 國家十治醴

政視前古不啻密焉是以總其紀綱無專擅之吏明
其職掌鮮越俎之嫌夫何法久而寢失其故官備而
不唯其人錢穀之司羣疑攸萃使高意畸行者或蟬
蛻而弗居任職持正者亦陸沉而弗顯非以利之云
乎夫桂椒殊性不受變于酸甜士顧自樹謂何然亦
上有以振厲之哉或見揚州志

正統三年令兩淮兩浙長蘆等運司每歲各差御史
一員領勅巡視禁約催督鹽課十年令長蘆巡鹽
御史兼理山東鹽法李戶部夢陽云國初建轉運司
以來嘗差監察御史分督鹽課此于鹽甚重然御史

者以法治而所與奉法者則運司提舉等官今其官
非盡慎選夫人情莫不有欲導之以潔然且慮汚况
導之以汚又奚所不至乎且歲一遣御史初至于法
多不甚解聰察多紛更恬靜多避嫌及少得次第已
復更代矣竊未見其可也誠選貞茂通明御史清監
如清軍三易歲乃代仍簡夙憲重臣一人付便宜之
權略倣漢桑弘羊唐劉晏本廟周忱故事令其綆陞
剔蠹濬源決流一切不得阻撓運監提舉官悉選補
廉吏如此而利不與國不足芻餉供億之費不給未
之有也語曰智者不襲常此之謂乎

耿九疇字禹範河南盧氏縣人以進士任禮科給事中
正統初大臣言兩淮鹽法之弊因擢為運司同知
性節儉嚴潔世味澹然遇事公正有執吏胥無敢緣
為奸豪商勢宦不少假容色亦凜然憚之嘗條奏鹽
法便宜數事皆見允行率著為令後丁母憂服將闋
場丁數千人詣闕請留乃進運使以十年復任為
政如同知運司時清操彌厲嘗坐水傍羨水清疇一
童子曰水清不如使君清也後被讒構逮赴京師
上知其冤釋之超拜刑部左侍郎是時同知葉思銘
與九疇同心出政亦在譴及被釋回送別都門諄々

山海天地之藏也皆宜屬少府陛下不私以屬大農
佐賦願募民自給費因官器作主鹽官典牢盆浮食
奇名欲擅管山海之貨以致富羨後利細民其沮事
之議不可勝聽散私鑄鉄器鬻鹽者鈇左趾沒入其
器物此鹽權之始也

橫植音角水上
橫木渡之

食貨志注云牢盆者廩食也古名廩為牢盆煮鹽盆
也又惟楊志以今有煎鹽官廠即其制

桑弘羊請令遠方各以其物如貴時商賈所轉販者
為賦而相漙輸置平準於京師都受天下委輸召工
官治車諸器皆仰給大農大農諸官盡籠天下之貨

物貴即賣之賤則買之如此富商大賈無所牟大利則反本而萬物不得騰踊故抑天下物名曰平準武帝以為然許之

續漢書虞詡為武都太守始列郡鹽石直八千視事三歲鹽石八百

魏畧漢哀帝時民家出鹽一斛以為賦

後魏初弛禁其後鹽官罷立不常自遷鄴後於滄瀛出青四州傍海煮鹽青州置灶五百四十六計終歲合收錢二十萬九千七百八斛四斗軍國所資得以周贍此置灶之始也

唐第五琦始權鹽以佐軍用及劉晏代之法益精密
初歲入錢八十萬緡末年所入逾十倍而人不厭苦
計一歲征賦所入總一千二百萬緡而鹽利居其大
半以鹽為漕傭自江淮至渭橋率萬斛傭七千緡自
淮以北列置巡按擇能吏主之不煩州縣而集事
自天寶起兵稅賦不足供費鹽鉄使劉晏以為因民
所急而稅之則國用足於是上鹽法輕重之宜始晏
鹽利歲緣四十萬緡至大曆末六百餘萬緡天下之
賦鹽利居半宮闈服御軍餉百官俸祿皆仰給焉
僖宗光啓元年夏四月田令孜自兼兩池權鹽使時

上供不至賞賚不時士卒有怨言令收惠之先是安
邑解縣兩池皆隸鹽鉄中和以來河中節度使王重
榮專之歲獻三千車以供國用令收奏復舊制自兼
兩池使收其利以贍軍重崇論訴不已上表數令收
十罪

五代食鹽錢諸州府除俵散蠶鹽徵錢外每年末鹽
界分場務約糶錢一十七萬貫有餘言事者称雖得
此錢百姓多犯鹽法請將上件食鹽錢于諸道府計
戶每一貫至二百為五等配之晉乃令人逐遍與販
販而鹽貨頃賤去出鹽遠處州縣每斤不過三十掌

事者又稱驟改其法奏諸重置稅焉蓋欲絕興販歸
利于官場院糶鹽雖多人戶鹽錢又不放免民甚苦
之

五代兩稅之外有雜色之賦其目有四一曰鹽錢官
口俗食鹽二曰麵錢給民麵使得釀酒而三曰腳錢
而飲其直每貫出錢五十以協解發至廣陵于官四曰軍衫布
者總謂之雜錢亦曰鹽錢解錢見錢三曰軍衫布
歲以鹽于民間博之每足給鹽七觔半至五見徽郡
代末盡無以給民直以軍利存紬為稅輸之見徽郡
誌

石晉天福七年十一月復行官賣鹽法先是河南北
諸州官自賣海鹽歲收緡錢十七萬又散糶鹽飲民

錢言事者稱民生私販鹽抵罪者衆不若聽民自販而歲以官所賣錢直歛於民謂之食鹽錢高祖從之俄而鹽價頓賤每斤至十錢至是三司使董遇欲增求羨利而難於驟變前法及重征鹽商過者七錢留賣者十錢由是鹽商殆絕而官復自賣其食鹽錢至今歛之如故

周廣順二年勅令慶州權鹽務今後每青鹽一石依舊抽稅錢八百八十五陌鹽一斗白鹽一石抽稅錢五百八十五陌鹽五斗此外不得別有邀求宋益法始用常平倉鹽官自運賣其後令鋪戶衙前

趨場取鹽運赴縣倉交納脚力錢則官給与之計丁
給鹽而納錢以充官用東陽志紹興中此歲鹽一百
九十三萬二百斤為錢一十萬二千九百四十四貫
文

宋初制令商人入易粟以券至京師支見錢茶香藥
犀象等物謂之三税法又間支鹽以代京師見錢
權貨務乾德二年置真州開寶三年徙揚州天聖初
權貨務在天下者六真州其一建炎初于真州印鈔
給賣東南茶鹽以便領真州茶鹽為名
雍熙後以用兵之饋餉令商人輸易粟塞下增其直

今江淮荆湖給以額未鹽此招商中鹽之始也
乾興初解鹽歲計八二十萬緡視天禧中數損十四
萬請罷之專令兩池入中並邊芻粟上皆從之
東南鹽利視天下為厚鹽之入官淮南每斤為錢四
初天禧募人入緡錢粟帛京師及淮浙江南荆湖州
軍易鹽至乾興元年入錢貨京師總為緡錢百一十
四萬合通泰鹽歲損所在貯積無幾因罷入粟帛
令入錢久之積鹽為多明道二年仁宗召近臣與江
淮制置司同議乃曰鹽在通泰楚海真揚漣水高郵
貿易者毋得出餘州聽縣鎮毋在鄉村其入錢京師

者增益予之舟物轉運司經畫本錢以償亭戶詔皆
施行此宋鹽價最輕而便於民食者
每石不過四五錢典
此相類今至加倍
年民間食鹽

仁宗明道二年叅知政事王隨建言轉搬法頗有積
滯願聽通商三五年使商人入錢京師置折博務於
揚州使輸錢及粟帛鹽一石受錢二千

張方平論國計既內云慶曆五年取諸路鹽酒商稅
歲課比景德會計錄皆增及三數倍以上景德中收
商稅四百五十餘萬貫慶曆中一千九百七十五萬
餘貫景德中收酒課四百二十八萬餘貫慶曆中收

一千七百一十萬餘貫景德中收鹽稅課三百五十
五萬餘貫慶曆中收七百一十五萬餘貫但茶亦有
增而不及多耳

元豐初盧秉提點兩浙刑獄會朝廷議鹽法秉謂自
錢塘縣楊村場上流接睦歙等州與越州錢清場等
水勢稍淡以六分為額楊村下接仁和縣湯村為七
分鹽官場為八分並海而東為越州餘姚縣石堰場
明州慈谿縣鳴鶴場皆九分至岱山昌國又東南為
溫州復碁南天富北天富十分著為定數蓋自岱山
及二天富皆取海水煉鹽所謂熬波也自鳴鶴西南

及湯村則刮鰾以淋鹵以分計之十得六七鹽官湯
村用鐵盤故鹽色青白而鹽官鹽色或少黑由晒灰
故也湯村及錢清場織竹為盤塗以石灰故色少黃
竹勢不及鉄則黃色為嫩青白為上色黑多鹵或又
有泥石不宜久停若石堰以東雖用竹盤而鹽色光
白以近海水鹹故爾後來法雖小變公私所便大抵
不易廬法

見生息重

舊制授人以鹽而徵錢謂之蠶鹽熙寧五年因漕臣
陳知儉言乃罷之第令輸錢七年後詔折以糧者三
等戶以下許代錢元祐初乃詔給散初東南歲制即

不散鹽計其數輸價直六分如京東西之制政和三年廬州縣柳民詔淮浙支俵套鹽去處依市賣客鹽價其丁口鹽錢亦依上件指揮散納中興後亦不復散鹽而差損民間所納之數

徽誌熙寧十年在城鹽務額二萬七百九十貫二百五十七文太平興國中三司建議以歛接近兩浙界令就般請兩浙鹽每觔為錢五十自宣和末變法歲遣牙校往請之今郡學廊乃故鹽場地或言歛所以輸兩浙運司絹者以鹽故鹽法既變不復般請後招誘商人亦歲二百萬有奇

夢溪筆談鹽有定課歲為錢二百三十萬緡自餘盈
虛不常大約歲入二千餘萬緡惟末鹽歲自抄三百
萬供河北邊糴其他皆給本處經費而已緣邊糴買
仰給於度支者河北則海末鹽河東陝西則顆鹽及
蜀茶為多運鹽之法凡行百里陸運斤四錢船運斤
一錢以此為率

淮南轉運使蘇頌嘗乞減官淮南鹽價云臣竊聞曩
時建言者欲將一路官鹽減價出賣臣以為遠近一
槩減價誠未易遽行且於出產地分道秦趙海州連
水軍及道商鄰境宿亳壽泗等州咸定使公私之價

不甚遼絕則民間樂買者必衆而私販自知利薄而重犯法矣

理宗淳祐間殿中侍御史朱熠上言蜀廣浙數路皆不及淮額之半蓋環海有亭戶有鍋戶有正鹽有浮鹽正鹽出於亭戶歸之公上浮鹽出於鍋戶鬻之商販正鹽居其四浮鹽居其一端平初朝廷不欲浮鹽之利散而歸下於是分置十局以收買浮鹽十數年來鈔法屢更公私俱困真揚通泰四州六十五萬袋之正鹽視昔猶又及尚何暇為浮鹽計耶為今之計莫若遵端平之舊式收鍋戶之浮鹽所給鹽本當過

於正鹽之價則人皆與為市却以此鹽售於上江所得鹽息徑輕朝廷有旨從之

宋朝海鹽一萬八千六百九十七石五斗六升一合至

國朝海鹽一課一萬八千六百七十一引五十六斤一十四兩八錢見鹽官誌

元始祖始行鹽法河間山東平陽四川課稅所四每鹽一引重四百斤歲辦正餘鹽以引計二百五十六萬四千有零

元鹽法其詳不可知東陽續志載有額賣鹽引之數

豈亦官自運賣耶食鹽七千三百九十八引二百二十八觔見蘭谿誌

太宗庚寅年始行鹽法每鹽一引重四百斤其價銀一十兩世祖中統二年減銀為七兩至元十三年既取宋而江南之鹽所入尤廣每引改為中統欵九貫二十六年增為五十貫元貞丙申每引又增為六十五貫至夫己酉至延祐乙卯七年之間累增為一百五十貫初每銀一兩折鈔二錠延祐每引賣鈔二錠折銀四兩依中統七兩該鈔三錠半泰定乙丑減去二十五貫天曆己巳復增為二百五十貫

至元十三年令提舉馬里范張依宋舊例每引重三百觔二十四年立兩淮都轉運司使每引始改為四百觔十六年額辦五十八萬七千六百二十三引十八年增為八十萬引二十六年減一十五萬引三十年以襄陽民改食揚州鹽又增八千二百引大德八年以灶戶艱辛遣官究議停煎五萬餘引大曆二年額辦正餘鹽九十五萬七千五百引見惟揚志

鹽法源疏 皇明鹽法有戶口支給之鹽有客商中賣之鹽蓋商鹽則客商輸粟於邊官給引目支鹽于鹽手場任其貨賣然慮其私販之為患也特差御史

一員往來巡視而軍衛有司皆有巡鹽官員鹽所
在又有巡鹽大甲關津巡檢又專為之鹽詰其禁治
之嚴如此又恐其舊引之影射而為弊也故支鹽出
場而經過關津鹽引有截角之法賣鹽既畢而住賣
官司舊引有繳納之例其防範之密如此食鹽則有
司開具戶口名數令人赴運鹽使司關支回縣而計
口給散市民官吏則令其納鈔鄉民則令其納米各
隨所便其後有司以關支搬運之艱故其鹽不復請
給而納鈔則仍其舊云今官吏每口食鹽食鹽一十二斤市斤每二觔二兩
五錢每斤納米四升三合一勺二抄五撮其口數之

多寡據籍隨時增損初無定額也

洪武法制之成歲賦之目有五其五曰食鹽之賦文獻通考曰食鹽者為難變之賦

大明一統賦註鹽課歲辦八十五萬八千四百七十三百二十五萬五千一百觔鹽糧一百九十九萬五千一百二十零一石

國家鹽課大小引目二百二十餘萬解太倉銀百萬有奇各鎮銀三十萬有奇開廣二省課額無多并池二鹽撈辦亦易長蘆山東價廉課克惟准鹽居天下之別浙次之而皆艱于徵納

今之歲入餘鹽課稅等銀約一百萬三千兩有奇各
邊中鹽引價約五十六萬七千兩有奇其餘全賦蓋
五之一云

淮鹽課二百萬可當漕運米值全數次浙次長蘆次
福次河東提其數與淮相當福場無衝以行無遠地
河東無場官以出有所專也廣場兼之故巡運俱無
鹽皆費人力煎煮惟河東以風而成即周官不假煉
治之鹽

兩淮洪武間歲辦鹽三十五萬二千五百七十六引
一百斤零弘治間每歲改辦小引鹽七十萬五千一

百八十引內奉色常股鹽三十九萬一千八百二十
五引存積鹽二十五萬八百二十九引折色鹽六萬
二千四百八十五引萬曆六年歲辦小引鹽仍七十
萬五千一百八十引內常股鹽四十九萬三千六百
二十六引存積鹽二十一萬一千五百五十四引歲
解太倉餘鹽銀六十萬兩

兩浙洪武間歲辦鹽二十二萬四千五百七十七引二百
觔零亦於弘治間改辦小引萬曆六年歲辦小引鹽
仍四十四萬四千七百七十九引一百四十九觔內
常股鹽三十一萬一千三百三十八引一百六十四

斤六兩二錢存積鹽一十三萬三千四百三十引一百八十四觔一十一兩八錢歲解太倉餘鹽銀一十四萬兩

長蘆洪武間歲辦鹽六萬三千一百五十三引三百觔零萬曆六年亦仍弘治歲辦小引鹽一十八萬八百八引八十六觔內常股鹽一十二萬六千五百六十五引一百八十八斤三兩三錢存積鹽五萬四千二百四十二引一百五十八觔一十二兩八錢歲解太倉餘鹽銀一十二萬兩

山東洪武間歲辦鹽一十四萬三千三百八十七引

一百五十觔零弘治間每歲改辦小引鹽二十八萬
四千一百二十四引一百六十二觔內分本色折色
二項萬曆六年歲辦小引鹽九萬六千一百一十引
一十九觔五兩九錢內常股鹽八萬六千一百一十
引一十九觔五兩零存積鹽一萬引原小引鹽一十
一十四引除折布佃地鹽引外實開邊小引鹽一
十一萬引六千一百一十引隆慶四年奏停存積鹽三
用額數現歲解太倉餘鹽銀五萬兩
福建洪武間歲辦鹽一十萬四千五百七十二引三
觔零弘治間歲辦大引鹽一十萬五千三百四十引
二百六十五斤八兩九錢內本色鹽四萬七千四百

五十六引二百七十八斤四兩九錢折色鹽五萬七千八百八十三引三百八十七斤四兩萬曆六年歲辦大引鹽一十萬四千三百四十引二百六十四斤歲辦太倉銀二萬二千二百兩一錢泉州軍餉銀二千三百四十四兩二錢

河東洪武間歲辦鹽六千八十萬觔弘治間每歲辦鹽四十二萬引內常股鹽二十九萬四千引存積鹽一十二萬六千引萬曆六年歲辦小引鹽六十二萬引歲辦太倉銀四千三百九十五兩九錢宣府鎮銀七萬六千七百七十八兩五錢六分大同代府祿糧

銀四萬三千一百十三兩山西布政司抵補民糧銀
七萬四千二百五十九兩

陝西靈州監課司洪武間靈州歲辦鹽二百八十六
萬七千四百七斤漳縣歲辦鹽五十一萬五千六百
七十觔零兩和縣歲辦鹽一十三萬一千五百三十
觔零弘治間靈漳西歲辦鹽共三百五十一萬四千
六百七斤零萬曆六年歲辦鹽一千二百五十七萬
七千六百六十八斤歲辦寧夏鎮年例銀一萬三千
二百四十二兩延綏鎮年例銀一萬三千七百一十
四兩三錢四分固原鎮客兵銀二千五十九兩固原

軍門犒賞銀七千一百二十四錢四分

廣東鹽課提舉司洪武間歲辦鹽四萬六千八百五十五引一百觔零海北歲辦鹽二萬七千四十引二百斤零弘治間廣東與舊額同海北歲辦鹽則一萬九千四百八十三引四百九十觔內分本色折色二項萬曆六年歲辦廣東小引生鹽三萬二百二十九引小引熟鹽三萬四千六百一引海北小引正耗鹽一萬二千四百八十六引歲辦太倉銀一萬一千一百七十八兩存留本處脩用銀四千七百九十兩九錢四分

廣東有生熟鹽同稱生熟引生引者為生鹽場以日晒者用之故熟引者為熟鹽場以燃

柴費用之故
分課輕重也

四川鹽課提舉司洪武間歲辦與弘治間歲辦上流
等九井鹽前為一百九十一萬九千五百七十觔零
後為二百七十九萬四千四十五斤零永通等七井
鹽前為八十四萬四千七百七十斤後為二百六十
一萬八千八百四十一觔零郁山井鹽前為二十二
萬六千八百觔後為七十三萬二千二百八觔零涂
井井鹽前為一十六萬四千二百斤零後為二十八
萬七千八百一十五斤雲安場等五井鹽前為二百
二百一十二萬四千六百二十觔後為二百四十九

萬八千四百九十一觔零通海等三井鹽前為二十四萬四千三百三十觔零後為九十三萬一千三百三十觔零廣福等三井鹽前為二十二萬四千四百七十斤零後為五十五萬六千三百二十五斤華池等三井鹽前為二十二萬四千二百二十觔後為六十三萬四千五百三十二觔零新羅等二井鹽前為七十三萬五千五百斤後為九十九萬五千八百七十八斤零富義等一十三井鹽前為一百八十萬八千斤後為三百六十七萬九千二百七十二斤零羅泉等五井鹽前為三十二萬一千三百斤零後為一百

二十四萬四千一百二十七斤零黃市等二井鹽前
為六十九萬四千斤後為一百七萬五千六百一十
零僊泉井鹽前為三萬八千八百五十斤後為二百
一十三萬七千六百一十五斤福吳等井鹽課現辦
如舊額萬曆六年歲辦鹽九百八十六萬一千一百
四十斤歲辦陝西鎮鹽課銀七萬一千四百六十四
兩

雲南四提舉司洪武間五井鹽課歲辦二十七萬二
千一百三十七斤零又折綿布七百二十段
布每段長一丈
一尺闊
八寸
黑鹽井鹽課歲辦五十七萬二千三百四十

勛零安寧鹽井鹽課歲辦七十七萬二千六百八十
勛零白鹽井鹽課歲辦二十一萬七百二十斤零弘
治間五井安寧二司歲辦無定數黑鹽井歲辦六十
一萬六千三百七十斤黑鹽井歲辦三十三萬四千
三百一十四斤萬曆六年歲辦鹽一百八十三萬七
千八百七十七斤五井提舉司綿布每段折銀四分
五厘歲辦太倉鹽課銀三萬五千五百四十七兩三
錢七分遇閏該銀三萬八千五百二十八兩九錢七
分

洪武初定兩淮歲辦鹽數每引四百斤官給工本米

一石兩浙如之後分一引為二引而以四百斤者為大引二百斤者為小引名曰改辦小引鹽

二十七年題准河東運司每年該解山西布政司正餘鹽內動支四萬三千一百一十六兩八錢徑解大同府收貯補給

永樂間議准准鹽每引納米二斗五升或小米四斗遇米貴小米亦止二斗五升兩浙同

宣德五年題准山東信陽等場鹽課每二大引折闊白綿布一疋運司委官總催運赴登州府交收備遼東支用

正統三年議准將陝西靈州官鹽召人中納寧夏馬
匹凡上馬一匹鹽一百引中馬一匹鹽八十引送德
兵官收用

七年奏准廣東海北提舉司所屬臨川等六場鹽課
每一大引折米一石運赴府倉聽支衛官軍俸糧

十年奏准官臺場鹽課照信陽等場例折布

十三年令兩淮運司於各場利便處置立倉囤每年
以揚州蘇州嘉興三府所屬附近州縣及淮安倉并
兌軍餘米內量撥收貯凡灶戶若有余鹽送赴該場
每二百斤為一引給與米一石年終具奏造冊申報

其鹽召商於開平遼東甘肅等處開中不拘資次給
與兩浙運司及松江嘉興二分公司仁和許村等場亦
准照此例

又奏准將福建海澄三場鹽課共五萬六千八百
八十三引俱准全折每引折米一斗派納泉州府附
近永寧衛并福全金門等所倉聽給官軍月糧
十四年令增兩淮存積鹽為四分召商供給追儲
景泰元年奏准近場鹵丁令於鹽場煎辦鹽課永鄉
灶戶離場三十里之外者每丁歲出米六石或折收
價物置立倉庫收貯委官專掌按季查算鹵丁代納

鹽數若干照名給與食用

令存積鹽為六分

又令以龍江鹽倉檢校批驗所存積鹽折支南京文武官本色俸每鹽五十斤折米一石

三年令兩淮運司各場灶戶有將詖微糧草不分起運存留願折納餘鹽者每正糧米麥豆五斗

草五邑束各折徵鹽一小引

五年令廣東海北二鹽課司灶丁有私煎餘鹽者送本司每引官給米四斗

六年令以張灣鹽倉收積掣客商餘鹽并私鹽給通

州并通州等五衛及附近密雲等六衛官折俸每鹽一百四十觔准米一石

成化六年題准長蘆淮海盈十三場陸路寫遠商人
不支鹽課定自本年為始每二大引合為四小引折
潤白布天徽解通州通濟庫交納以備折俸支用

七年令減兩淮存鹽仍為四分常股六分

九年令兩浙巡鹽御史督同分巡分守并還司官清
查灶丁其他戶及寡婦鹽課照數開豁以清出多餘
鹽丁項替再有餘丁照例辦課切丁候長成辦鹽俱
造冊脩照仍類造送部自後每十年一次其水御灶

戶每引納工本銀三錢五分解司給散灶丁或年終解部送太倉各邊支用

十九年令浙西場分每正鹽一引折銀七錢浙東折銀五錢解送太倉候餘鹽支盡仍納本色

二十二年增河東歲辦鹽課一十一萬六千引共為四十二萬引

弘治元年奏准兩浙鹽課二十二萬三千三百餘引內除水鄉折銀三萬餘兩實鹽八萬九千七百餘引將解京折價浙西每引原定七錢減為六錢浙東原定五錢者減為三錢五分

又令兩浙水御鹽戶每一引納銀六錢煎辦竈丁存積鹽課俱納本色其常股每引折銀三錢候商到支給將價照例於勤煎灶戶余鹽內揀買補課

二年令各場灶丁離場三十里內者全數煎辦三十里外者全准折銀每年十月以裏徵送運司解部其折銀則創每一大引浙西六錢浙東四錢

九年題准將靈州引鹽止收銀給軍自行買馬每引一百道折價銀一十五兩

十二年議准濤洛雷國高家港三場鹽多若黑無商中納每一大引折徵銀一錢五分

十五年題准一池鹽引每引增定銀四錢五分載六
石東路鹽價發慶陽府西路鹽價發固原州各收貯
分解各邊買馬

十六年題准將忠安場鹽七千三百五十二引每引
徵銀七分解部各場灶戶濱海諸煎晒者陸續輸官
其依不請者官為收賣付德催給散諸煎者代納鹽

勛

十八年議准辦納鹽課灶丁一丁至三丁者每丁免
田七十畝四丁至六丁者每丁免田六十畝七丁至
十丁者每丁免田五十畝十一丁至十五丁者每丁

免田四十畝十六丁至十九丁者每丁免田三十畝
三二丁者全戶優免

正德元年奏准靈州大池每年增課一萬五千引并
舊課二萬六千二百三十二引小池增三萬引并舊
三萬三千一百五十引共五萬九千三百八十二引
每引納銀二錢五分照鹽一車以六石為則運至場
卸所仍收卧引銀一錢共銀三錢五分俱送慶陽
固原官庫收貯買馬

又奏准四川大寧課少場分不拘年月久近俱徵銀
二兩其餘井場建立上中下三等年分遠近亦作二

等弘治十五年至十八年未開中者每引上場徵銀
一兩五錢中場一兩二錢下場九錢弘治十四以前
未開中者上場徵銀一兩二錢中場一兩下場六錢
商人有願為代納陸續支鹽者照井場年分就於教
內每錢減去三分以作商人之利灶戶還鹽或銀不
許過所定之數商人亦不得自行選擇其有乾淡珊
塌等項許以私備小井幫補煎辦不再徵課
三年顯准西由信陽登寧行村滄海并固是官臺等
八場原折布尺照濤洛等場折銀事例解部
四年議准該省報中人少今後依山價銀不必支商

將附海本色逐年賣解部

五年題准廣東靖康等二十三場照量鹽場生熟貴賤和中微價熟鹽場分有微每一小引微銀二錢三分無微收銀一錢生鹽場分有微每一小引微銀一錢七分無微亦收銀一錢責令各官攢照數徵完解提舉司

七年題准兩淮水鄉灶丁每歲該辦鹽九千一百四十九引每引納二本銀三錢五分解送運司給散煎辦灶丁令辦納不前每引減舊額徵銀二錢年終運司徵完解部

又奏准永阜等場迺移灶戶丁地鹽課著落佃地人
每引辦納銀一錢五分

又令寧夏開中西淮運司本年分鹽課每引定價一
錢五分不拘糧草取勘時估貴賤道路遠近定立斗
頭觔重撥納本色不願納本色者兩淮鹽課每引納
銀四錢五分河東每引三錢聽從各官召商糴買抵
數

八年題准將本運司鹽課額辦四十二萬引外召商
於偏頭等關中納糧草將原派倉場糧鈔照數扣除
以補拖欠祿糧之數

又議准雲南安寧鹽井鹽課提舉司折色課銀每引徵銀貯庫以備邊軍支用

九年題准運司鹽課年分稍遠者每一小引止納一錢二分稍近者止納銀一錢四分道留山東備兵馬賑濟等支用

又奏准兩浙鹽每引二百觔許帶餘鹽五十觔連包索五十觔共三百觔為一引

十一年令依山鹽課如遇商人報中每一小引折色銀一錢二分五釐與附海本色鹽課相兼支給
十二年題准將上里海口牛田三場附海鹽課六千

六百五十引餘每一引折二小引每引二百斤就於本
處召商照例每引納銀三錢解部

又題准附海鹽課不必遵方開中就於本省召商中
賣

十三年議准運司所屬許村等場額徵本色鹽不及
百觔者照浙東西折鹽官價徵銀解部

四十四年令福建鹽場商人中到引鹽以十分為率
五分派與福興泉漳四府一州五分派與延建邵汀
四府各地方行賣

嘉靖元年題准長蘆所轄場分有海灘地一十二頃

八十畝民灶挑修共立灘池以十分為率三分補納
逃亡額數七分給與各家償其挑修等費

三年議准廣西梧州府所貯鹽利銀每年動支一萬
五千兩解本司預脩軍餉有餘通融給散 王府祿
米及官軍人等俸糧

六年議准兩浙運司嘉靖五年以前空額折銀仍令
解部原徵本色大引折小引鹽聽候照舊開中其嘉
靖六年以後年分析價小引鹽例該解京者俱存留
運司每引定擬價銀四錢戶部遇有邊方奏計與同
前項原徵本色引鹽陸續開中

又議准兩淮運司餘鹽每二百觔淮南定價八錢淮
北六錢

七年奏准南京戶部遇運司齎領鹽引額辦之外增
刷引目兩倍共一百四十四萬道每五十道為一封
移咨都察院轉行巡鹽御史用印鈐蓋發運司收領
自嘉靖七年為始照商人客邊報中引目以額鹽總
數為則如原在邊中正鹽一十引許報中余鹽二千
引照年分場分配搭淮南每引定銀一兩二錢淮北
一兩內各除資本銀二錢五分淮南納九錢五分淮
北納七錢五分俱赴運司上納照數給與引目令其

自行買補免其納賑

八年議准自嘉靖七年為始各邊中正塩一引到於
運司令添中餘塩二引先納引紙價銀六厘行南京
戶部刷引目二道給與商人正塩照舊派場納賑開
支添中二引聽各商自行買補遇所如法秤製每引
除包索二十斤其餘每二百觔淮南納銀八錢淮北
納銀六錢支製之後赴司納價解送太倉候各邊支
用添刷過引自年終通查搭配遇邊商報中若干支
賣徵到者照正額引目截角解部未支者運司貯庫
造冊送部查考候次年照數補刷每年贖足一百四

十四萬道以脩開中

又議准大池增三萬三千六百二千六引小池增二萬二千四百一十七引每引二引二錢五分卅引銀一錢共一萬九千六百一十五兩送平涼府收貯專脩祿糧

又題准雲南鹽引合置流通簿一本每年差人赴部齎領仍赴南京戶部印編歲額無閏五萬六千九百六十五引召商開中巡撫酌量并鹽羨定擬價銀收布政司听戶部支用以後倒換文簿并印編引目率以為常一切批文小票悉革不用

九年議准停止添刷引目每鹽一引五百五十觔過
所內除正鹽二百八十五觔其餘鹽二百六十五觔
每二百觔淮南納銀八錢淮北六錢就令本納完給
小票執照發賣該納價銀量其發賣月日限以程期
赴運司上納

又顯准青州分司所屬濟民石碑惠民歸化四場離
小直沽批驗所寫遠支掣既難鹽課倒燈相維令灶
下每鹽一引納銀一錢給商買勤灶餘鹽補數
又奏准將潯美場鹽課米每石折銀伍錢加耗修倉
銀三分追解泉州貯庫支放

十年題准福建官鹽仍以二百五觔為一引每引一道照色正鹽一引并割出余鹽若干不必給以小票每包許帶餘鹽二引正鹽原價三錢余鹽定價四錢十一年奏准浙東額鹽五萬二千五百六引少鹽多浙西額鹽一十四萬六千四引引多鹽少派場之時於浙西數內改出四萬六千九百七十四引派與浙東疏通鹽法

十三年題准永嘉衝壞沙灘逃亡灶丁折銀鹽課查緊縣民田地池均派色補隨糧徵收發場起解又題准福建運司引鹽照舊例每引二百觔為一袋

帶耗五斤不許以進貢修城等項名色濫加耗鹽四十五斤其正鹽一引止許帶餘鹽二引不許給與小票縱令多帶

十四年顯准靈州小鹽池額鹽三千一百零五引專供花馬池一帶脩邊支用其加增鹽三萬引召商開闢中三邊輪流買馬或接濟軍餉支用如遇虜賊臨邊車脚阻礙照舊停止

十五年議准而淮正餘引鹽照舊五百五十斤為一包內餘鹽二百六十五斤每二百斤淮南原定價銀六錢五分又六十五斤該銀二錢一分零共銀八錢

六分零今減作銀八錢准北原皮價銀五錢又六十
五斤諛銀一錢六分零共六錢六分零今減作銀六
錢此外若有夾帶淮南以一百六十斤淮北以二百
斤各納銀一兩以懲築打大包姦弊

十六年題淮兩浙官商不到之處立為山商鉛山弋
陽貴谿永豐靖江昌浦江武義東陽義烏湯谿永康
建德桐廬壽昌慶元宣平縉雲景寧雲和三十縣每
程一張納銀六錢餘杭富陽臨安新城嘉興秀水嘉
善崇德桐鄉德清武康諸暨新昌嵊縣奉化泰順青
田十七縣每程一張納銀四錢三分其餘坐場縣分

容令灶丁肩挑易賣仍修復松江分司令分司官駐
劄督課

十七年題准長蘆山東支引鹽其正鹽二百五十斤外
加包索二十斤連餘鹽四百五十斤為一包此外夾
帶照例問發追價入官其餘鹽價銀務酌遠近限以
月日不許於掣未賣之先逼令稱貸豫納

十九年題准潯州二場鹽未每石俱折銀五錢

二十年題准台州府長亭黃巖杜瀆三場引目一票
照鹽三百觔納銀九分

二十六年題准天賜場竹箔等處沙場會由八百二

十六頃八十畝餘撥氏灶佃種納銀崇明縣解司遇
商人應得鹽價每一小引給與銀二錢一分八厘其
扣存之數解部

二十七年議准河東運司正鹽四十二萬引該銀一
十三萬四千四百兩除解宣府年例八萬兩外剩餘
五萬四千四百兩并餘鹽二十萬引折銀六萬四千
兩共銀一十一萬八千四百兩內除四萬三千一百
一十六兩八錢徑解大同府浦給代府祿糧其餘七
萬五千二百八十三兩二錢俱解布政司抵補氏糧
及通融處補祿糧各王府不得另行奏討徑自支取

二十八年題准餘鹽二百六千五觔在淮南徵銀七

錢淮北一錢一厘三毫

二十九年題准將高家港等十一場巡移丁鹽四萬
二千七百三十二引與寧海等八場正支買補小引
鹽八萬三百三十九引并永阜豐國等場復業灶戶
鹽一十二萬六千一百一十引定價開遼東山西等
處

又議准深州海盈場灶戶內除鹽山縣近場一十三
戶辦納本色其居住直定府衡水縣等戶每引納銀
一錢利國等一十一場歲辦天津等倉課米每石徵

銀五錢其海盈等一十三場折布鹽價銀舊例七分五厘今減一分各徵完赴司類解

三十年議准兩淮運司除將原額正鹽七十萬五千一百八十引及餘鹽并行開邊報中外自嘉靖三十年為始每包內二百觔令商人照數自行買補與同新舊開邊正餘鹽數俱作一包赴儀淮二所過掣淮南淮北悉納銀解部

又今長蘆山東二運司各除原額正餘鹽連包索共四百五十觔自嘉靖三十年為始每包再加余鹽一百五十觔并加包索一十五觔通共六百一十五斤

照常納價依數派場令商人買補

又題准將給商正鹽二百觔外再加余塩一百觔連
前余塩五十觔共一百五十觔

三十一年議准行兩淮巡塩御史轉行運司每年查
照原定里分掣過引目出給水程填註期限并商人
貫址姓名開申巡塩移文各該行塩地方巡按轉行
所屬如遇各商運到引塩即拘令報官賣畢就拘退
引截角封送布政司直隸府州按季差人類徼運司
交割仍中巡挨勾銷但有過限繳不足數即查追提
開每年終巡塩仍通查該徼退引奏行戶部查過不

及原派數目至三十千引之上者將各司府州縣掌印官叅奏問罪

三十二年題准解京割沒銀兩量扣留作為工本將各場灶戶分為上中下三則收買余鹽三十五萬引分派辦納商人每中額鹽二引帶中工本鹽一引照依正鹽定價上納本色糧草

又題准河東鹽引革去余鹽名目定以六十二萬為額除宣大二鎮及各項食鹽照舊起解其餘撥補先年額欠消折等鹽所中銀兩一體解部聽解宣大山西專備主客兵年例支用運司文冊正餘鹽通行

歸併

三十三年顯准將黑白安五彌沙蘭州舊河尾等井
鹽課革去成色虛數尽折收銀其五井提舉司額辦
布疋原解大理府搭放官吏俸鈔今將折俸另處補
給其漂布每段折銀四分五厘每銀一两折鹽一引
俱作正課及續增新增加辦加閏復開河頭等井每
歲共該銀四萬三千三百三十四兩六錢零無閏止
該銀四萬五兩六錢零著為定額
三十四年奏准陝西行鹽地方每鹽二百觔為一引
每引收銀四錢五分每十引西鹽二分搭配漳鹽八

分一切掛號截角支放禁約巡緝事宜俱聽分守隴
右道監理其收貯銀兩於年終解送花馬池管糧衙
門交收專脩防秋兵馬支用

三十五年題准將雲南安寧井原額引鹽摘發琅井
帶辦八十七灶鹽每引折銀七錢三分輪撥三十六
灶每灶每月領鹵二百一十桶折納銀一兩六錢八
分零安寧井實在鹽每引徵銀八錢脩邊折色鹽每
引徵銀一兩實徵鹽課無閏該鹽四萬七千三百八
十二引一百四十九觔一十四兩九錢共錢三萬五
千七百一十九兩一錢三分零通閏該鹽五萬一千

三百三十一引六十二觔六兩零共銀三萬八千七百六十兩七錢零俱解太倉并新開石門關三井鹽課本提舉司照舊徵納

又題准將二池鹽每引定價四錢鹽八石額課新增三七掣支餘鹽銀二錢五分收納

三十七年議准工本鹽每引淮南七錢減銀二錢淮
北五錢一厘三毫五絲減銀一錢五分免其官買鹽
勛令商自向各場小灶買鹽赴掣其扣買收買工本
割沒銀照舊解部仍要每單淮南六萬六千引外加
三萬四千引為一單淮北三萬四千引外加一萬六

千引為一單每年淮南四單淮北三單務期一年掣盡

又議准四川鹽課從引定銀大寧等照舊每引折銀二兩雲安等一十四場每引折銀七錢五分四厘三毫五絲綿州等三十四州縣丁井漸添量為增額仁壽等九縣丁井亡耗量為減額簡州一十六州縣丁井額課照舊通計五十七州縣一所一場共鹽八萬九千三百六十三引一觔實徵銀六萬九千一百七十二兩四分六厘尚少額鹽三千三十九引一百一十九觔該銀二千二百九十一兩九錢五分四厘查

有布政司歲收商鹽小票稅銀抵補候查新井新丁
照額派補其閏課原非部額逋負尚多各場暫免派
徵所少王府食鹽亦於鹽稅銀內支補其有余剝與
正課一同解部

三十九年奏准長蘆鹽運司利民等場官鹽引目按
各府州縣里數分別等則上則順天府屬四萬八百
三十四引保定府一萬二千六十七引順德府八千
五百五十九引大名府三萬八百八十三引彰德府
一萬五千六百七十四引衛輝府一萬八百七十八
引中則河間府一萬四千八百七十七引真定府一

萬四千三百一引廣平府八千二百八十一引下則
永平府三千九百一十八引通行發賣各該官司置
立循環文簿登記賣過引鹽并水程期限按季送巡
鹽御史查考

四十年題准儀淮二批驗所各商米掣鹽一百五十
一萬三千二百二十一引計淮南十八單淮北六單
所載共該餘鹽一百一萬一千一百三十六兩一錢
委官盡行改捆拏每引五百五十觔若多五觔以
下照常割沒五觔之上照夾帶問擬大約每單實解
出餘鹽一萬一千九百一十引一百七十觔折算級

作正鹽配引附掣照例徵納餘鹽銀兩項補逃止定額無徵之數

四十四年題准工本鹽雖有報納而正鹽未免停積且商灶俱困將工本鹽三十五萬引盡行革去止解餘鹽銀六十萬兩

又議准正餘鹽每色正許五百六十一斤正鹽二百八十五觔余鹽二百七十五觔南所納銀三錢九分七厘五毫北所四錢三分七厘此外多至二十觔者納銀一錢百觔以外問徒沒鹽入官二十觔以上查例發遣

隆慶元年議准長蘆運司并二十四場官吏本色俸
給共銀六百餘兩于各場應納灘價并鹽商腳價銀
內支用河間府免行徧派

又令長蘆鹽運司歲增五萬引每引納銀二錢五分
聽商自行收買

又題准將大小二池納價余鹽等銀五錢二分以四
錢作引價一錢二分作引商人上納准浙鹽一千
引准配池鹽一百引小池鹽于西路發者仍照舊例
納斗底銀一錢五分解固原州聽軍門犒賞其餘引
價解慶陽府聽延寧二鎮客兵支用

又議准西和縣原開鹽井一眼漳縣舊開鹽井四眼
又有新井各商獲利爭報令每百觔納二錢九分
二年議准河鹽引價著引為三等分撥見引淮南定
銀九錢淮北定銀八錢分撥起紙關引淮南八錢淮
北七錢分撥到司勘合淮南七錢淮北六錢若違商
賈執倉鈔勘合到運司責令內商照依原定價則收
買以便即日回還不得指勒的難仍將內商的名報
出造冊在官如遇支鹽到橋頂壩行令白塔河安東
壩各巡檢驗放鹽船如該掣鹽一百引方許造單如
無新引不許過橋入單著為定例

二年題准官臺等十一場折布鹽課給票納銀事例
詳查灶戶貧富分別上中下三等除額辦正課外每
年上丁納銀二錢中丁一錢下丁五分其票戶各熟
三張以使行鹽地方發賣

四年題准買補鹽四萬引量停三萬引開邊官臺等
十一場背行運司每票以六百斤為率除正課外另
票銀一錢其支運賣鹽等項悉聽巡鹽御史督令各
衙門查考

又議准河東運司將延安府地方改食池鹽邠永汧
隴麟遊五處仍食解鹽石商中納起運蒲洛二關掣

賣扣定遼東徵數餘俱解部共逋逃地銀四千三百六十一兩見在地銀八千八百十九兩行濱膠二分司濟青登萊四府委官催徵逋逃地銀六百四十八兩根究得業人照數辦納

又顯准舊例凡行鹽地方各五鹽場廣西則梧州廣東則肇慶南雄清遠商人投稅者每正鹽一引收銀五分餘鹽每引收銀一錢後每正引一道准照余鹽四引納軍餉銀四錢五分從又准照餘鹽六引納銀六錢五分再有夾帶謂之自首每引抽銀二錢商價通融足支兵餉令該省巡撫查理疏通有勢豪阻撓

奸商作弊參奏處治

又題准將西漳三縣課銀每年二千余兩改解蘭州收貯專備臨鞏兵脩固原二道客兵支用

又年題准濟青鹽價頗高票定銀一錢五分登萊鹽價甚賤票定七分每季終該府解司濟遼

五年題准花馬池大小二池鹽每引照鹽八石四倍

河東令各商報納每引增銀一錢二分其臥引銀一

錢二分西路丰底銀一錢五分共增課七千有奇

六年題准張家灣批驗所舊以商人運到引鹽每一十引抽鹽一觔放支做工軍後前鹽議免止每十引

割收銀五厘解部該所見設官吏三員裁革

萬曆三年題准將上里海口牛田附海本色每引納銀三錢差官解部

五年題准將定邊道庫貯鹽大池者解延綏小池者解寧夏其新增延安府課銀三千二百二十一兩原議解河東運司就近改解延綏即將該鎮應發主兵銀扣補宣府抵河東額課

七年議准淮揚二府逼近鹽場州縣聽其以米易鹽止許肩挑背負不許多捆大包其二府所屬原派官鹽一千引者止派五百引五百引者止派三百引責

令各州縣僉選殷實鋪戶赴儀准二所架下分買掣
過單鹽運往折賣鹽盡仍將鋪戶領過引目繳報
八年額准廣西每年于廣東運鹽五萬四千四百五十
四包每包用工價銀四錢一分九厘湖廣衡永二府
價隨時高下每發官鹽一包計搭商鹽一包同賣一
歲一運可得鹽利銀一萬五千餘兩著為定例
雲南巡按吳奏鹽課支費無存協濟萬難措處查得
本省鹽課銀額三萬五千五百四十七兩自萬曆十
一年以來兩院由題與脩邊稅銀三萬六千九十七
兩相募湊濟近來增設兵餉新舊歲支共銀一十三

萬四千九百四十兩四錢如十九年有緬酋之叛二十四年有猛廷瑞之叛三十五年有鳳克之叛三十八年有多安民之叛此皆載在軍書歷、可稽也緬事息則設騰隴八閩等營猛酋息則設順義等營阿克息則設忠勇廣武等營此又皆載在天藉歷、可

按也

平湖不後二所每年各限鹽一千二百觔船四隻于萬曆三十六年九月內奉本府帖開一宗懇全鹽課事蒙水利道詳議折價將各軍名糧內扣貯府庫本縣額限船鹽豁免

三十九年議准山東鹽法上則直隸徐蘇二州沛碭
二縣兗州府所屬滋陽等州縣共該鹽九萬八千二
百五十引一十九斤五兩零中則東昌府所屬該鹽
二萬二千四百引下則濟南府所屬該鹽五千五百
六十引官置循環文簿逐月登記發過引鹽水程按
季查銷其青登萊三府官臺等十一場除歲辦額課
正數外運司印刷小票送巡鹽御史掛號各場收掌
聽各灶丁納銀一錢五分給票一張照一引記五百
斤編定地里等則發賣每票收牙稅銀一分
兩淮運司鹽法事宜內一款云余鹽銀兩淮北掣鹽

每引以五百五十斤為則內除正鹽并包索共二百八十五觔在邊上納糧草外餘鹽二百陸十五觔淮納銀七錢淮北納銀五錢一厘二毫五絲此外多餘割沒入官五觔之內積算淮南每一百六十斤納銀一兩淮北每二百斤納銀一兩伍斤之外即照夾帶間罪每觔納銀一分併入余鹽銀內每年儀真所掣鹽八單每單捌萬五千引約談余鹽割沒等銀六萬餘兩單共約銀四十八萬余兩而淮安所掣鹽四單每單五萬伍千引約銀三萬余兩四單共約余鹽割沒等銀一十二萬余兩而南北通計得銀六十萬兩分

為春秋二次起解每次三十萬兩掣完該川填入余
鹽內外號簿并連引目解司聽候呈詳定委五二分
司官一員該吏一名領解徵銀完日方將引給各商
領回發賣

秦州志儀真批驗所掣鹽定規每一年以八單為率
每單該鹽七萬引每引該細打小鹽色七十箇每一
單該用小包五百萬計原定稅銀每包索一萬該稅
銀一錢三分五厘共該稅銀七十餘兩計八單該銀
五百六十兩其地租每鹽一十引銀五錢計一單該
銀二十五兩每年該銀二百八十兩

東誌存積常股云正德五年令長蘆山東運司每歲額辦鹽課以十分為率八分給與支客商二分另為收積在官候邊方緊急糧儲召中以所積見鹽人到即支謂之存積其價則重其八分年終挨次給支客商謂之常股其價則輕例以鹽課冊內脩開二項數目限以定期出給通關送繳山東運司以次年二月終為率若有過期不銷及虛出捏送查坐以罪其常股鹽每年依期將見在商人挨次量高低場分派搭對驗引目赴場關支脩將商名貫址勘合字號米鹽數目搭派場分造冊繳部年終仍將支放過商

名鹽數額總造冊送部查考

山東灶戶舊例每十年徧審而分司官通歷各場皆率官攬僉報戶丁以三等九則辦課其間最殷實者充總秤即有司間之里長也稍次者充鑊頭即有司間之甲首也若灶地則每五十畝折人一丁辦鹽二引一十四斤八兩皆以藉為定

肇慶鹽出陽江瀨海先年設有隻恩鹹水二場今灶丁日減課額日虧裁出鹹水場歸併隻恩舊課千余今清裁止六百課而官吏布置如故汰冗議恤亦目

古用斛收鹽貯販發商後用秤法三百觔為一引給
商今俱改折別行官票小民肩挑發賣以為食鹽見
平湖縣誌

山東運使張光奎看得本司原額鹽課一十五萬引
以充邊儲近目遼左之急新增餉鹽六萬引及查行
鹽地方山東雖云六府食引鹽者止兗東二府濟南
僅十一州縣而青登萊三府俱食票鹽行票者已經
加增票課無容再議行引者舊引尚多壅滯况復新
增此王貞泰等所以有既滯難商之告而各州縣方
以引滯之故凜々虞參罰焉今欲碩邊而商苦於股

脂欲顧商而邊窮於枵腹事在兩難法求兼濟合無
鹽而不增引將所增之鹽攤加於舊引之色內減引
而不加課將所增之課攤加於舊引之課內其便有
五鹽課已贏引目仍宿則銷支便引不停墾官免省
責則考成便春築色重夾帶難容則稽察便鹽色不
增脚價可省則輸運便引不留行課無逋負則軍需
便仰不格恤伍之新 綸俯可蘇疲商之夙苦雖非
行法之經亦通法之變矣相應呈請伏候上裁轉請
施行